



Број: **01/2-50-3-2-49/18**

Сарајево, 20. 2. 2018.

ZABILJEŠKA

sa sastanka Komisije za vanjske poslove Predstavničkog doma PSBiH s predstavnicima Svjetske banke i bankarskog sektora BiH

Članovi Komisije za vanjske poslove Predstavničkog doma Parlamentarne skupštine BiH Nermina Kapetanović, Mirsad Đonlagić, Sadik Ahmetović i Senad Šepić, u skladu sa zaključkom s 47. sjednice Komisije za vanjske poslove, održane 31. 1. 2018., razgovarali su 19. 2. 2018. u Sarajevu s predstavnicima Svjetske banke i bankarskog sektora u BiH o Sporazumu o zajmu (Projekat jačanja bankarskog sektora) između Bosne i Hercegovine i Međunarodne banke za obnovu i razvoj.

Ovaj sporazum, za koji Komisija za vanjske poslove Predstavničkog doma na 47. sjednici nije dala pozitivno mišljenje za ratifikaciju, predstavio je menadžer Svjetske banke za BiH Emanuel Salinas, koji je naglasio da je riječ o zajmu vrijednom 56.600.000 eura, koji su dvije strane potpisale 31. 10. 2017.

Zajam je namijenjen za jačanje bankarskog sektora, prije svega za otklanjanje svih uočenih slabosti i potencijalnih rizika unutar regulatornog okvira bankarskog sektora.

Tokom sastanka članovi Komisije za vanjske poslove Predstavničkog doma PSBiH ukazali su na potrebu da se bankarski sektor u BiH reformira, posebno na planu pružanja usluga građanima. Primajući k znanju elemente Sporazuma o zajmu (Projekat jačanja bankarskog sektora) između Bosne i Hercegovine i Međunarodne banke za obnovu i razvoj, članovi Komisije iskazali su spremnost da, u skladu s nadležnostima, podrže reforme i napor za unapređenje bankarskog sektora u BiH.

Sastanku su prisustvovali i predstavnici Ministarstva finansija i trezora BiH, Centralne banke BiH, Agencije za osiguranje depozita BiH, kao i Agencije za bankarstvo Federacije BiH.

SEKRETARKA KOMISIJE
Merdžana Iglica